

知
足
齋
詩
集

知足齋詩集卷第十五

庚申至辛酉

大興 朱珪 石君

題周海山司馬奉

使琉球登舟圖應令子東屏

少司農屬

昔公奉

命使屬國高颿巨艦開東洋靈輦駕浪試

忠信回旋落滌千仞強我公仗

威天咫尺神燈流星吐芒石牙轟船舵牢穩千夫助

呼海不揚中山君臣額手拜龍天呵護龍節光禮成卻

艦廉敵水歸陳宣室徵冊將洊階台斗繪勤蹟舜歌益

贊臯賡颺到今四十又五載忽撫遺卷增慨慷從公所

夙接談笑典型直諒百鍊剛況今小鳳更同直後先使
蜀存邛驥叶馬淵畫錦何足耀要以咨度收強梁愧無
雄文壓百恠述公清德凌徐汪

春明錄別圖送張子白之官鎮番

張君英彥凌松婁食貧畫荻母教修絢棉畫質資膏油
易粟半飽宵呀嘍遂通經籍文弼彪兩發射隼風颼颼
飄然忽阻蓬瀛洲歸與我枯血盈眸彈琴聲斷牛衣愁
酒闌感阮哭不休長安冠蓋騰驩驪君才何啻玉瓊貞
良牧旃兆求羊牛雄邊攬轡古涼州黑關紅崖三岔流
亦不刺高魚海幽要汝撫馭如韓褒叶廉靜歌水滸說

絳揚母潛德封魚鱗來謁閭闔皆屬鳩

易水

下流至雄縣南爲自燕入秦之路

易水流雄縣荆卿去不歸心摧虹日貫手扼虎狼威拒
馬名猶烈行人涕欲揮悲歌燕士氣摘筮志無違

蕃劍行次崇如相國韻

卯金斬蛇飛不見海外蠻裝來掣電公胡誇我彈鋏長
虎氣當風百夫旋一揮欲白晉鄭頭銅馬赤眷焉用戰
據鞍矍鑠豪有餘巾扇論兵卻組練天魔化女夢不驚
刃斫藕絲相已變猿公狂走猩猩啼洗心獨與三尸鍊
莊生說趙豈荒唐老子猶龍吾健羨代公神交磊落同

杜陵夜半光芑現作歌聊試王郎酣濡毫不覺公孫豔
倚天東刺燭扶桑擘水西流空月竊指柔久擬善刀藏
舌存已映祥金銜知公赤手解雙環老我黃庭誦萬遍
金鄉縣漢平狄將軍扶溝侯朱鮪不室壁鐫畫像
中一人神似偃師武虛谷億黃小松易貌以寄武
爲題一絕

前因後化竟誰真意氣文章卽古人悵望邑黔揮拍手
虛傳環召下丹綸

喜雨歌索靜厓侍讀同作

數旬不雨勤雨歌徧籲壇壝羣神和獨有飛廉作狡獪

密雲吹捲如蟲沙，閏月朔魄月離畢。行黃道北占涉波。

九重深宮禱已久，天道非遠人事那。五流赦減空岸獄。

海外孤蓋開天羅。

安南遺臣黎例鄭憲
黎值李秉道釋禁

十閩官刑行蕩。

滌再世禁錮除，孛科玉門西海憐。遠戍神倉紅朽發，粟

多忽旌狂愚探葑菲，萬里環召馳明駝。

殊論釋回
伊犁翰林洪亮

吉傳聞觀覩萬夫動，一揮涕淚成滂沱。夜半甘霖到日

昃，玉皇領首玉女瑳。翰林主人抱忠耿，芥視高傳方婆

娑生當。

堯舜洗耳恥，亟濡筆墨吟卷阿。開樽聽雨不辭醉，同訪

大戴傾壘犧。

自題雪晴獨立圖二絕句

非我亦非人相看幻卽眞雪庭後夜月不著去來因
點雪紅鑪淨看山玉笏明行庭人不見佇立久移情

安南黎氏遺臣

海外四孤忠乾坤正氣同十年貞不字九死志猶雄長
嘯旄邱節悲歌笏竹風那堪思杜宇一灑子規紅

望雨歌疊前韻

雨晴十日野踏歌額祝霖澍常調和願持天瓢料天稷
點滴不數恒河沙環畿千里說優渥獨有近甸慳澗波
天牖如響省致福鶴鳴必應魚藻那安能憂樂判先

百二十刻心周羅豈惟九嬰消孽沴要沃萬寶甦粒科
長驅飛廉竄海表徧召龍伯噴珠多千村喜聽垤鳴鶴
九陌深見泥濡馳燕趙連雲觸膚寸楚蜀漲水塵澆沱
高懸龍骨靜鴉軋沫霑楹礎摩鮮瑤濠僚排頭樂險險
石燕涎尾翩娑娑以賽爲祈誠有格轉圓取善奚唯阿
舊雨新雨載濡筆好鐫功德登山犧

閩四月十六日得次曾孫名之曰甘霖

宵駕祈霖夙曾孫祝雨興阿誰星降畢怡喜貝來朋
泣壘篋聽聯翩襦粟稱含飴吾不厭何以活黎蒸

恭和

御製蜀信元韻

井絡東西師出律
鬼方撻伐震摧邪
三驅禽失前無慮
貳負鯢封獲有嘉
至日升馨

誠禱風連宵降雨
渥優加洗兵如願
臺蓑舞借箸何須
籽柚嗟

後喜雨歌

其雨其雨于焉歌
南箕侈哆難薰和
閏朏以來載離畢
鞭驅不醒誰歎沙

紫宸齋心省遺闕
搜剔朽壤輸恩波
時當北至月午朔
方澤升配思猗那
夙寅伏

禱呼泰媪惟慈蕩劫驅修羅黦雲接日漸布獲蛇醫踵
叫跳斗科仰空飛點撒瓊璣稍覺垂雷瑤簷多初昏然
膏花潤砌達夜鳴圓鈴淋馳闢門曉漏濡劍佩報捷夕
奏連川沱詔賜和羹玉食盱疇咨霖雨

天笑嗟先憂已許賦鳧藻後樂行見韜龍阿五旬腸脾
習蔬筍一日賞醕酬壺犧

閩縣李瓊宴所藏文相國琴摹爲圖作歌

松風一榻雨瀟瀟萬里封疆不寂寥獨坐瑤琴
遺世慮君恩猶恐壯懷消時景炎元年蒙恩遣
問召入夜宿青原寺感懷之作譜於琴中識之

文山

大絃欲絕清角哀少海震蕩航溫台浙潮三日不上湧

丞相抱日三山來七均未調樞密出

時與陳宜中未協

劍汀一

旅難張恢橫琴井澳益帝癘黃龍困穉厓山摧陸張授
命廣陵絕五坡嶺飯箕子災囚奴五載志官奪正氣白
日轟風雷殘形有操彈不得六鼇掀簸輪軸厖遺詩二
十有八字恆星萬古旋杓魁青原風雨詎寥寂一彈猿
鶴聲徘徊連牙移情誰唱和夜半痛哭聞西臺柴市憫
忠匹光嶽到今憑弔猶尊蠲其人其琴更手澤古而無
死桃三才

直春及軒書房二首

清晨入西瀛水木湛清淑
粟潤青與與荷遺氣馥馥坡
陀渡犴碣飛瀑悅耳目
左轉得書軒高蔭疎繞屋遠攬
蓬壺寬鷗鷺起翩翩及春間
耕畝休夏宜誦讀 承華
此由豫羣英資樂育暫來窺
仙閣行復直天祿

雨師夜灑道風

駕臨近園玉虹蜿翠蓋
造舟敞櫺軒是晨迓

穆光咫尺升初暎清闕
春耜齋親切承

德音仰依

玉皇案下界霖雨暄

賜宅休沐家三山在隔垣

雨後早直春及軒

一夜平添太液池曉來蓬閣更清奇芙蓉丹綻迎初旭
鷗鷺銀翻浴淨漪天上玉堂春正永山中洞府夏如斯
觀泉育德心能喻活水長源出谷時

恭和

御製立秋日遣悶用去歲詩韻元韻

夏閏秋拏早憂先樂後來六時猶展

孝九伐正需才目想征夫瘁

心勤鞠子哀不徒矜獮難何以易田萊

神武惟治本

天仁自弭災泥鯨網在握電馬捷頻催皖杜雄師出敦
瓜振旅回鷹揚方厲疾鶉野豁氛埃

恭和

御製河南布政使馬慧裕奏報葉縣盤獲首逆劉之協
督兵趕辦寶郊教匪悉數殲除各情形詩誌感慰元

韻

土中小蠢干

天討方伯單師克壯猷禍首卯金囚葉縣渠魁孫李殪
窠溝三驅狡兔空無窟一網枯魚悔自投郵布西南遘

繫組

告功須及上

陵秋

恭和

御製九月初八日燕郊行營參贊德楞泰總督勒保奏
報痛剿匪衆二千餘名現在分兵追勦以冀肅清川
省各情形詩誌感慰元韻

孝誠通上

畢郵愷接西郊井絡張連綱弧威刷斷巢占庚鷹眼化
載甲虎皮包篋志孚

慈祐

天心篤泰交

恩賜正珠恭紀 圓顆重六分

川珍

好賜出明堂捧得璿璣照夜光
圓孕方諸來桂海月涵
日采上樽桑老人映讀青藜竝
罔象求元亦水菊常願
憑依

慈力犬摩挲衣帶記無忘

題史閣部覆桐城吳節婦之子德堅手札遺卷

并序

桐城吳孝廉姚夫人爲會元貽詠之高祖母庶

常廢枚之六世妣也配明生員道震早孀子德
堅明季流寇擾桐避亂于潛山之龍灣爲賊所
執罵不絕口賊手刃之史閣部撫皖上其事得
旌史公丁艱去德堅謝以書其答書手蹟云節
孝之門自應昌大況門下文名藉甚自必卓有
建立以無愧明發之懷若不孝則積罪深矣莫
之能贖惟讀書野處稍盡烏思此外非所敢問
也辱教惓惓率謝不盡名另肅沖有張相國英
跋康熙四十二年癸未六月初二日按明史
可法傳可法撫安慶在崇禎十年七月

馬守應合汝才李萬慶突安慶犯潛山十二
年夏丁外艱去列女傳吳姚氏湘潭知縣之騏
女年十九夫亡子德堅襁褓撫之越二十有六
年避賊潛山德堅負氏逃叱之曰汝不能全母
顧絕父嗣乎推之墜層崖下須臾賊至叱曰出
金可免令解衣驗之罵曰何物賊奴敢作此語
賊怒刃交下死然則夫人死在崇禎十年史公
作此書當在崇禎十二三年間也

明季亂無象黃巾躡四方蓋臣與烈婦爭奮扶天綱桐
城吳母姚撫孤三十強子負母避寇潛山龍灣藏賊來

母推子俱死吳脈戕子墮層厓底母獨與賊亢冒聲未
絕口利刃交其肱是時撫皖者鐵面目有芒拜疏旌苦
節聞艱奔父喪孤也致書謝覆詞慨以慷不孝隱苦出
節孝後必昌史公殉社稷名與日月光吳家世弄此跋
者相國張兩事載信史事徵言之詳是母蔭厥後會元
暨庶常捧卷請我題開闔雙涕洟閣部不屈書

先帝特闡揚祠墓聿修舉邗嶺梅花香吳君耀家乘片
鱗寶珠瑯嗚呼忠貞節牛斗高頡頏

恭和

御製總督費淳吳璚奏報邵工合龍河歸故道詩誌感

懋元韻

聖誠孚

天心思通無艱易去秋黃河溢隕岸險莫避豐傷魚鼈
驕徐潛驕平地磬磬宿泗黎纒拭億兆淚經年紆

疇咨展賑患有備置臣勸卽工龍合捷渴驥渴竟蹄厥
家放海導溝遂先甲長至辰

郊壇禱兩事西師暨南河惟

慈默相芘一句河已翕此答彼豈異連翻川楚秦大書
露布字

皇言本

皇心救民誠彌積

應

制詠科爾沁卓里克圖親王拉旺所進白鷹

白鷹徠何所黑水靺鞨邦瑤光星精散大漠雪翎電刷
鴨綠江科爾沁王得其雋拜將

天子宣駿厯金眸玉爪掣繚繞攬身欲試都盧橦同時
海東青雙戲

雲龍庭會啄天鷲嚙吐珠圓晶熒長白高高照遼海天
生神物何璀璨

翠華風雨上

陵年京觀西南先獻凱畫工貌出丹青明韞上圖中儵
目成梟鸞六合分何有鷹揚者定

功崢嶸

示經子

汝今四十八讀易學商瞿卜鼎宜顛趾徵蘭好蓄租求
生陰有隲積善慶非誣試聽雲中鶴聲聞德不孤

示涂孫

涂孫逾弱冠

恩與計車偕

客秋蒙

欽賜舉人

特恩

勤學期無忝揚親望勿

乖雙雛娛我老滿架待人排頗好黃庭誦清明要自齋

齋宿雙棗軒有感

予兄弟幼時讀書處也

雙棗栽庭日朱陳甫締姻初移園海岱七轉歲庚辛

九子

齡結姻外舅陳兩亭先生明年春

自其寓園移雙小棗于此今六十年矣

先君老幹今穿屋

蕃升久撲鄰相看樹如此誰與問根因

恭和

御製述憂詩二十韻元韻

誠孝格

穹昊如願開辛年

齋心通蠖蕩送喜荆秦川餘氛就籜掃佳氣轟嶽蓮

郊壇月捷騰

吉祐昭燎然師貞我武揚撻彼靈囂填義勇皆知方氣
銳心衆堅俘馘賊膽破截險軍鋒傳鶻音有變革蟻命
無稽延焚林已悉拔伏莽難終跽蒼黎就蘇息

皇心猶怒焉氓誰使化賊責吏除蝨蠹詰妖何自興咸
秩轟廟祆渙汗

詔七省人悅眷篤

天鏡歌唱巴渝歸馬駛春濺

武成告

鼎湖繼

志十有全衰臣媿顛躓蹶起喜欲痊仰賡慰

宵旰伏誦欽

惕乾

仁勇幹宙輪休渥濡漏泉春膏一發生百枿回枯煎乃
知

聖先憂樂以天下先

自哂

自哂非仙骨何堪擲地摧卯金先磬折

雲房
太宰

頑石遂山

頽陰沁酸增劇膏濡苦獨哈從心

天澤洽喜起頌康哉

屢次蒙

恩存問恭紀

存問頻煩

詔手揮內官六次到牀幃雪花優渥同憂樂餅餌甘香
轉瘠肥捷示西南嘉折首氛餘隴蜀望傳旂心如病鶴
重甦意蹙躡 彤墀向日飛

弔童梧岡少宰學使二首

四十年前舊識公桂枝崑玉照堂東迴翔溫樹參機密
步武 承華式敬恭晚讀黃庭觀息白早求赤水掇珠
紅如何示疾乖靈藥丹竈空陳鶴已翀

卿月聯翩逼斗台槐風長蔭玉山頽校量冀野行收駿

跋涉漳濱正賦梅

時以殘臘按試廣平一帶

七十引疴心似水三千

問字涕成瑰望窮歸旆江天濶接手容成尚舉杯

琉球寶刀歌

李舍人鼎元贈戴蓮士侍郎者

紫薇天使中山歸黑洋穩渡神鳥飛巨颿劃潮羅剌鬼
拔刀碎裂妖星旂書生甚武劍佩戛利器亦仗

皇靈威此刀番王鞠膺獻購從日本玉屑霏寶裝陸生
不自祕投瓊執友當天機攜來詫我病魔走拔鞘風冷
如呼豨客豪食酒虎對吼我歌拍案驪唾璣回看西南
太白閃借我吹映欖槍屏光芒半夜燭珠斗周麾萬里
招虹微還君什襲獨漉舞報爾祥覽雙熊肥

讀揮麈後錄載興化方軫訟蔡京書

軫方通之子太廟齋郎

蔡京顧鄉曲欲薦方軫才軫也執大義上書攻姦魁父
子據要路梟獍鳴天街潛移趙社稷挈貳貫泰階凶謀
百莽操炎運慘濕灰願提干將劍一抉桑穀災有明兩
楊公先後血虎豺雄文吐浩氣百讀肝膽摧偉哉三不
朽竄戮吁可哀遺書照汗簡藥石膏盲開元長亦黠者
張翬工詼諧諸孫且學走晚蓋真難哉宋史傳闕漏揮
麈詳編排微闡作歌詩豁我烈士懷

子夜

子夜條風轉上林枝頭喚起穩棲禽道人默數河車息

居士深觀海屋心病久瘦餘支鶴脰夢回清聽睡驪吟
作詩似我還非我三疊昭文不鼓琴

靜厓諷我多生現宰官身未免于榮辱一關不能
解脫是我病也當服膺以自訟

多生每現宰官身熟路侵尋卽病因藉手爲霖雖有濟
忘情見獵竟何人儻來富貴雲浮岫過去榮華火指薪
若要胸中無芥蒂海槎無住不知春

駕謁

東陵不獲扈送

翠華雲擁上

陵東留滯周南太史公孝格

橋山猶稽慕

恩敷薊野卽農功五旬偃蹇神飛越七日

光臨氣肅雍

詔許從容前席近循牆何以矢臣恭

遷坐

五旬蓐臥耐煎煩今日扶持坐外軒鳥鵲階除春正盎
花枝苞蓐午方暄客來不速斟浮蟻雛喜能嬌戴勝幡
身是濕灰重向暖心如止水但尋源

妣懷簡靜厓庶子

憶我少弱魯多病呻吟苦十一學爲文了了長者許十
三喪慈親哽咽不能語服除試童子入泮年十五十六
肆葩辭奇怪吐肺腑十七舉于鄉十八登瀛侶二十二
拔茹自詫聊自詡何以稱此官讀書勤稽古玩物傷其
中嘔血苦濡縷棄去不復觀死心學聾聵廿八擢學士
廿九使南楚升衡瞰雲海七十二部婁邁歸報龍節聞
海執繡斧游擢陳時臬奔星哭無父三年夜雨聽再起
江漢阻遇仙黃鶴磯指示前根土遷晉旋价藩天誘眞
靈輔孽空授刀圭河車轉子午白日見萬魔正心守一
矩是年三十九夢覺自支拄內轉認巢痕 承華接

天旰駁歷隨星槎十年作霖雨那無少功德袞職何裨
補竭來踐斗台七十懸車數學道果未成顛仆幾折股
國恩戀高厚詎敢乞解組子孫可做屍去來尚自主始
願豈到此洞天識歸處我何不足歟蒼生忍閉戶忠孝
所性生民物吾胞與感君愛我意結習恐深痼六根難
解脫三省默自取羨君不繫舟久速兩無迂述懷心其
論隨時力各努

二十三日清明病中掃墓缺然誌感

東望

龍鑿翠扈賒西依草木白雲遮浮生忠孝天無極晚節

桑榆耄自嗟但屬兒郎循墓掃那堪雞酒隔年華病餘
聊與山靈約款段還尋返照霞

戲東石菴相公

公家勞山仙棲游有人招我我掉頭

劉仙人說甲申歲我在勞山邀公來

學道公方殉節憤憤不
若今何好之之深耶

百年依舊來塵漚仙支先我客

姓劉莫是小山逃厠踰

淮南自尊
罰守此

較量臭味不罷休桃

實如火誰掇偷成山迤邐連之罟方壺掀簸十二樓水
上山下風颼颼海市吐蜃雲幻浮御氣而往何阻修公
不行兮我棹舟蓬萊閣上幾春秋目極浩淼天東陬胸
無芥蒂空十洲遲公不見公知不

跋法司成所藏金少宗伯師書汪積山寒燈絮語

十則

昔我海住師長孺兄爲師少成早強學出語驚宿耆弱
冠舉鄉士四十連大魁承華退直尺鍵戶人莫窺鉛丹
徧史冊暑汗裸裳衣歸田樂湖山著錄耄不衰此楷少
壯作寒燈積山詞積山注硃字渾脫非瀏灑絮語告猶
子可爲末學規吾師手寫此亦勵後進爲司成拾故紙
珍比拱璧遺屬我識其畧典型式在茲

題歛鮑蘇亭先生示孫桂星詩卷

鮑生英英挺歛秀黃嶽松短枝虬撐憶昔丙午校南士

并里之厥韜光晶瑕瑜半取置之副與山尊羸同其衡
越十四年歲己未忽得奇卷吮純并愛而不割列魁首
榜出大闢旁人驚轟也亦爆自焦尾衆口譽毀誰能平
禁廷再試雙璧達居然連臂登蓬瀛鮑生袖卷持示我
舍飴貽厥詩昌明曰兒七月脫殼穀拳曲四體熒雙睛
遲之又久始告廟幼學頭角鬻且崢期汝遠到莫了了
要以仁義培畬畊生今名顯祖不逮對卷涕淚雙縱橫
我起太息開且闔病股扶杖敲彭觥生其實勝勿華皖
述汝祖德光錢鏐

吾聞三首

吾聞廉不劓於陵曷足賢在彼成若性效尤失自然青
人日以甚恕已忘其偏辭受與進退魯鄒有申權伯夷
尚云隘何況子莫堅金剛無四相從容道自全夫子思
狂獯顏閔方比肩願以告賢哲過猶不及焉

客有規我濫涇渭了不分清濁雖異源或流有沱潰我
時濯纓足我心如鏡雲何嘗汨其泥不黨胡不羣陰陽
互消長主一斯爲君君看元祐世洛蜀何斷斷涑水不
能解誰罷蠻觸軍

有客箴我亢致悔吾自知知進不知退自反不至斯本
欲洞城府表裏母自欺吾怪酬酢交匿怨言如飴面諛

背不濕謂熟智巧機有時對尊酒醉語何淋漓不如守
質直遇人皆等夷小人尚可孚君子胡可疑居游七十
載與物誰乖違撝謙與慎密吾當佩弦韋

硜硜

匹士有小諒硜硜亦可嘉臨組割不繫遠利遯必遐雖
矯竟殊俗蓬中見孤麻誰不慕羶薌而彼出而哇吾猶
未能然結習娛榮葩雲茶滿吾眼有美顏不家堅白空
自賞無匹嗟匏瓜以冰可濟火借汝砭吾瘕介石不可
磯知足樂無涯

多生便榮名九死猶未超亦欲逃空虛淡與泊相遭巢

許彼何人不願睇益臯滿腹飲鼯鼠一枝棲鷓鴣七松
與五柳自古多此豪百年會有盡生天亦太饜去去從
所好烟水翩遊遨

燕來睇

翩翩者元鳥飛飛窺我廬憶我初八九燕來巢吾居老
人喜燕至謂此祥莫如壬癸忽斷絕我母棄我徂丁卯
夏復來是秋我登書其後頻年集家慶歡有餘甲申忽
不邁我父逝莫呼見星反京邸眴跡遂我疏中間載出
入解后暫踟躕前年遷

賜宅傍水蓬瀛如爾來頗頻數一歲再哺雛我今顛未

隕見爾生意俱庶幾勉爲善花鳥樂友于

喜劉雲房太宰先我趨朝

鼎顛同日劇相憐放杖東華早著鞭前席周諏承露湛
近

光密勿得春先吾衰步武猶夔蹕公喜康強覩鳳翮握
手深杯拚一醉槐台躡影度花磚

題靜厓庶子井福研冊

汪君示我石函研三載未闌井福詞井以養人非自養
无禽射鮒何取爲冽泉中正漑億頃井收勿幕同天施
王明受福可用汲修螿无咎勤自治鑿石爲研篆且象

得之井福堂構時君知天貺不敢褻出入攜載藪隄塵
嗟君往來何井井汔至未綳瓶防羸勞民勸相他日事
此行潔己人誰疑與君十年期久約井養天下無自私

鼎折足

折足鼎之四有寶覆公餗七旬蹇不行

恩勞十更僕思欲勉瞻就遷延屢昕夙前席近承

光起居恐顛仆敢比小臣介引疾懸輪輻鞠躬臣之忱

九死猶莫贖遠郊尚有壘嘉謨備辰告誰云顧夕陽計
較戀榮祿耿耿矢一心何當閉吾目老子亦有言知足
故不辱

喜王露仲庶子在顧話舊

與君同辛亥在苒七十年憶初識君時玉樹開瓊田申
之以婚媾我妹早棄捐及君脫囊穎薇省登瀛壖同直
承華地典學崧嶽天養志遂高蹈遺榮不慕羶園林發
嘯咏陔華譜笙篴平視同輩流升降隨雲烟我獨勞塵
鞅求牧無停鞭前年奉

墨詔揮淚粉純前斗台豈不忝折足鼎已顛羨君何自
適曳杖聽飛泉人生各有志何必銘旂旆勸君勤內視
三復黃庭篇

十九日造朝面

聖二首

七旬五日起朝

天鳳閣 龍樓豁眼前 僂僂循牆增戰栗 對颺

前席敬敷宣邊疆 戈馬頻消劫海內 英耆正選賢 惟願
格

穹真實力至誠恭儉帥民先

病臣顛臥 禁城西 中使頻煩

丹詔賫敢戀名浮貪未止自知

恩重死猶稽舊陳啟沃心原赤再沐

光華珠照泥

堯舜生逢今日事涓涓涓涓酌爲蒼黎

二十五日扈

駕啟行四首

豁目好風光清和草樹香雨酣餘宿潤旭淨上朝陽
輦路平于砥山容遠欲將病軀初努力

鸞翠啟前行

潞水東流匯燕郊

行殿張七旬鼎足折今日鶴軒長列幕環鱗櫛氎帷適
燠涼近

光天霽笑踞起喜如常

孝慕三春永先憂四海知籌兵頻

旰食消劫及今時轉徙民攸暨奔騰寇亦疲何當酬

睿慮全捷報紅旗

前席求民莫餘氛亟武戡擇醫良折九投杼戒參三誠
感神徯志仁興吏去貪唐虞詎有病不斲德心覃

白澗

三水滙淥淥盤陽白澗宮山花紅雨落行樹綠陰叢屢
體支筇得

恩膏賜餒豐葵心環向景普照柳暘同

傳

旨朱珪步履尚艱二十九日不必勉強上

陵抒情恭紀

聖慈曲體憐衰蹇臣節循牆矢敬恭
況際三年瞻

舜慕如何跬步惜龍鍾

恩言加命捫心惕

特達深知憶

眷釀努力猶能拚一慟
攄丹揮灑戀

雲松

二十八日謁

陵恭紀

舜孝同天

堯德峻三年過密萬方心

五陵雲靄濃濡露徒月薰風愴對琴扈從見聞誠自動
支離屛勉力猶任明晨釋服瞻依迫法後超前況式今

二十九日隨

駕釋服禮成恭紀

報

天曠古三年禮復土因心萬覩同上

畢文謨依丕顯撻荆武烈奏膚功

宵衣袞職猶思補

雲路松聲尚入聰
匍匐衰軀難策力
願將葵藿印初衷

恭和

御製二十九日詣

裕陵明樓前行釋服禮泣述元韻

漢文初易月達孝孰行諸遂性

天無極閑情歲有除

堯音四海遇

舜慕百神舒洗劫

仁心溥求生革面餘

又一首

制服時爲大仁

親禮本諸再期間月徒改火感春除
昊德酬難極蒼生疾亟舒蕩平還讓
善綏屢在推餘

燕郊

畿東百里近來往接

恩光竭蹶攀

龍鼎扶持立鵠行

兩朝知遇重七秩職思荒未敢陳衰謝顛躋勉自將

寄荅安徽荆中丞

良朋情悱摯念我久顛危扶服號

松路支離扈 翠旗一旬五晝接三月百篇詩

病後得詩百五

十他日翀霄舉看公普德施

讀高士傳

子陵高節動星文大釣何妨臥白雲更有布衣輕帝友
半牢肥遯少傳聞

知足齋詩集卷第十五

知足齋詩集卷第十六

辛酉下

大興 朱珪 石君

瞑眩

瞑眩疾乃瘳震厲三日得我初夷左股九旬痛若蠶昨
朝方試馬欲下足無力扶持入

金門衆怪病加亟

至尊召對親憐汝神衰洳

詔許休沐旬善自調動息歸來亦自詫大耄日向昃把
筆試作書不能運點墨解衣自驗之移右腫欲泐乃悟
造物巧潛運消傾側看汝三日內兩脚走如織

姪孫澄選館紀

恩示子孫

五世蒙

恩渥先人慶有餘瀛洲看繼武畝穀喜傳書子輩虛先
甲孫枝望彙茹從今勤勸學莫但耀簪璫

恭和

御製重修地安門外

文昌帝君廟落成敬紀元韻

眞源井絡契高尋底定 神功默佑歆魍魎驅除憑力
厚山川清廓

鑿枕深

張文弛武方徯志秋報春祈永敘欽咸秩巍峩瞻廟貌
皇綸大渙一哉心

恭和

御製經畧額勒登保奏報追勦冉學勝大股賊匪殲擒
三千餘名詩以誌事元韻

窮寇搜三窟同心氣萬千分甄山險震間道火光穿地
利洵陽勝

皇威蜀檄宣聚殲今日事

湯網布

仁天

恭和

御製參贊德楞泰奏報追勦青號賊匪首逆徐添德落
水淹斃及搜捕餘匪各情形詩誌感慰元韻

天心悔旤覆首亂衝磯舟碎躑莫竄先縲其孥磔藁貳
渠魁旣翦醜讐憚今朝雨霽氛蒙收喜氣遠塞岷嶓流
但傳兵靖三秦樂誰識

疇咨五夜憂

八月十八日奉

命致祭

文昌帝君廟恭紀

帝德孚 神教

天心格至誠中秋星月朗九拜秩文咸碑版光前代

成化

有舊碑今詩論超越千古矣

御製

捨牢肅降監彝倫方騰敘暘雨式

民暑

退思齋園中花木雜詠

園中雜蒔果樹草花而菊英彙其成隨筆賦之

得四十三首

芙蓉盛池塘妍豔環數畝溽霖一宵漲紅妝感徹帚秋
來數餘遺落落澄潭啣雜沓蒲葦間芟薶爲去莠挺然

露翠蓋臨風曳楊柳念爾悶天葩憐爾培茄藕春明爲
蕃植朱白間千耦何當仲夏交色香醉卯酉

短篠何蕭蕭長竿亦嫋嫋如何苦潦多黃葉瘁已標摩
挲睨厥莖青意尚未了野人慰我望且待春日曉覩土
梳其根糞壤培其兆好雨來條風抽節數尺矯似聞蕭
瑟辰或有鏘琤好我姑求時夜見卯鳴雞鼎

豐臺芍藥田當春何蔓發誰知桑乾決東灌萬頃沒村
人喪資斧告我苦飢渴爲我求甘本種之北墻堡冬壅
春可萌爛爛照林樾元鈞鼓萬卉春盎生意勃我欲觀
其微不獨香豔絕遙知婪尾宴歡酌顧兔脬

合歡高矗雲垂空萬瓊珞文繭夜交絲朱暎朝射箔隨
風忽飄舞丹翠何紛繳雨餘旣淨涓月下尤清綽何當
掛么鳳或化漆園噩栩栩更翩翩遠映當階藥

海棠色相如盆卉當秋妍植之膏壤中姹紅更芊綿乃
知得地氣自適其天全以此體物性何必戕栝椹我樂
知魚樂捧心亦可憐

蕉綠抽朱英綽約倚風態傍石覺娉婷目成遙逅邈誰
云珍絲麻不顧此菅蒯況當絺綌秋朝露挹沆瀣美人
隔蒹葭何當遲歸妹

鳳藥何渥丹彈指紅透甲誰云女兒花可望未可狎夕

陽晴更好但感秋風
簞晨興一游目紅妝
開奩匣小草何夸奇
偶適心所怡

雞冠何偉施岌岌迴
出羣其雌豐而庠雄
者昂獨尊脰膊魯鵠
卵磊砢蜀鴟蹲連棲
吸膏露絳幘踞曉暎
時復化紺碧五色隨
變蕃黃金偃子瓜駢
剛宛馬樊此物奚足
賞赫肅喻大丹

藍菊錯五色不知種
何哇蔓開殊燦耀蠟
或名江西落牆圻旣
晚潦水沒其萸惟汝
久爛漫觀化色亦齊
何爲苦分別人好奪
天倪不見靖節翁誰
辨三徑蹊不聞東坡
老取興忘蜜醯

野菊綴黃花顏色亦皎好
雜開瓦礫旁糞壤出叢葆
睠彼色正中金氣得鮮顯
誰能辨品彙汎愛足忘老
不須待佳節及此秋陽杲
掇英荆榛間亦復開懷抱

挺挺爾何芳長身亦森立
寵以萬壽名金莖許厭浥
野人獻芹暄何用分襦襲
取興叶臺萊何況適屐笠
賓名將無同菊乎紛戢香

牽牛何柔牽滴翠色可喜
兔絲與女蘿攀援共蠲纏
翹翹孤生幹亦見瓜施杞
陰陽生大鈞交加互惡美
不如善用之離合成連理
無匹笑獨處吾豈匏也似

芸蒿能辟蠹薰蕕吾不知
始生一陽月諒以清芬奇
風

來揚其臭鼻受非所怡或疑是蔞草殺蟲性亦宜纍纍
綴花葉蜂蝶了不辭置品異葷糞誰混蒼葦蒹

菊有殊種卉裊裊不勝花紋摘錦繡却與西風臨錫
名爾何佳襲美非所能是宜籬落間粲然遙盼凝瀉水
置均塘何用別淄澠

馳情思江南望望間關意苒苒比金萱亭亭有遠致雖
非忘憂花亦足抒情思涉江芙蓉多美人何娟麗娉光
吹參差皎皎揚其袂所思在千里飛鳥何當寄

玉膚出柔荑日暮馨香發中宵彌馥郁粉黛膩釵髮誰
能耿長夜夢斷淩波襪神觀清如何香界盈醅醉玉人

況比肩皎皎照素月尹邢詎相妒無感我鷓鴣

菩提本非樹何況類以草磊磊綴其實形似性可考物
性同圓成眞贗隨所造不見木樨子中有佛至寶慧苴
疑明珠榮枯何足道

秦椒性辛烈苞角火欲然翠枝相間映的的揚朱丹誰
能嗜其味但以衆色觀雜之庶卉中皎皎齊璫珊美惡
從所取露雨同濡溥

芥有草木滋膾魚可用醬我今久蔬食此味亦供餉取
其散鬱滯行氣達腑臟摘鮮尤淨嘉消疏能滌蕩是宜
君子風薑桂同直諒離離畦隴間生翠彌可望

失大雅言身卷二
六
蘆菔常食珍可以寬胃膈初生脆而甘磊落間朱白小
澀亦可耐葉肥纓已坼漸老或鯁介稍費齒牙齧鷺之
化爲腴山藥等風格吾衰此供餐呼丁試屢摘

芫荽列五葷風味殊爲劣置之蔥韭間那可耐咀嚙何
況溷薑薑色香兩殊絕惟當發眩庶以攻風熱青青
葉舒綠聊復宜翠潑

頗陵來西域引演常殮宜鸚鵡錫嘉名雪底能蕃滋當
冬先播種及春賞綠蕤續紛雨花意嗜者飾美詞甘蔬
斯可享二簋間筍葵

冬菘種亦蕃佳者擬參脂綠葉苞中黃遠勝穢與蕨南

烹美竹萌北味此陵越豐脆若有腴柔膩美無骨連車
饋高明安肅名咄咄吾園何夸毗聊取供旨滑

小草苗紫英或以諸葛名江湖何蔓發品類豈蔓菁昔
我官楚北紫花徧臺榮蛇山被錦繡十畝香色并北方
希爲貴舊雨尚有情當秋好識別爛漫期春明

清涼有本性金銀花蔓延或喻鷺鷥潔命名亦偶然抽
條宜繞架舒藥黃白媽可以解煩熱服之耳目蠲滯炎
失既濟此物奚可捐

綬帶拂長條黃花亦可采丰茸何婀娜猗靡相繚絆在
苒不自將飄揚如有待託根庇喬柯亦足媿蘅茝物理

詎不然弱植或久在

紫藤清和開香味色可人如今竟寥落見爾踰十春春
前擬架構旖旎抽其新蚪枝敷翠蓋對酒歡讌親憶昔
程文恭憇此花下茵漳浦有國老者宿兩率真典型尚
不遠愛樹宜殷勤

丁香春蕊蕊紅白豔競韶舊柯芳未歇新植吾興饒誰
云兒女姿明璫從步搖吾于香色間不別蘭蕙椒六根
既解脫平視姬姜姚玉女倚方丈無心爲誰嬌

天豔數海棠似來衆香國我昔官武昌春日芬滿域寶
絡塞虛空香透難屏息燕玉未遽然傾城那再得遲爾

花開時冶姹不可測

插柳池之隄條蔭芙蓉漪或云柴桑家當門垂綠絲我
愛楊柳風卓午遮炎曦又宜春始芽生意迴枯稊鳴蟬
亦何爲曳響清秋嘶恰宜天上星伴月長猗猗

芬藁何幽幽結實亦纂纂不妨鄰家撲那合神仙饌憶
我童齏時庭樹對華睨今正暫齋宿年光感瞥眼明朝
苦顛躋更生亦可赧樹乎猶如此聊用勸清醜

梨花體如雪梨實甘如蜜交梨生何所仙產那可詰憶
初南極翁指點梨汁密我以癡吸之入口何汨汨遂通
九竅礙如導真氣縞他時食我梨甘美不可述我分蘭

實孫亦覺甜液溢仙乎不可求內芝逾柑橘

紅杏二月花秋暄綻數朶不知祥與異氣候無不可我
遊閩粵疆冬日爛卉果何樹不青山何花不灼火地氣
異南朔見少或怪夥君子道其常順時謹偏頗

桑葉何沃若甘甚何離離不爲蠶所飼却與鳩醉宜高
者蠹如葆短者肩參差我園隨其植材用無成虧採葉
拭吾目細字明離離

白榆天上種社榆樂大年木雁材不材各以全其天況
當三月交田田掇筴錢煮之可甘食裹以麥糝煎頗宜
野人烹風味殊葷羶素飽摩其腹亦足佐醢饗

裊益盎間疎枝綴碩葩五色更閒錯不取正色嘉雖云
巧勝拙遂性純無瑕

有客贈數本我購復多枝植之畦隴間茁壯不倚籬馨
香發良夜風日宜晴曦不遠長久節可結匡廬知我園
此碩果以永千秋思

萋萋杜陵詠竊比君子良惜其不甲坼坐歎君子傷謂
萋空青青何顏入筐筐好惡隨所寓未必平溫涼我茲
嗜生菜得醬和肺腸泛題偶漏此補筆凝秋光

碧桃何天媿當春豔朝冷容真窈窕顏醉烟霧金
屋好貯之唐花傾一顧移植軒庭中經時飽風露綠葉

尚扶蘇三冬亟培護春回如未央目成冠衆嫻

迎春亦盆花蒔壤尚楚楚曾經夏霖浸復歛秋風斂土
化壅三冬冰雪耐宿莽春陽或抽蘇萌芽回谷黍物理
詎可知人願倘天許

輓三姪錫黻

勤學會鳴鹿野場一官鹽筴晒榆枋燕山連理嗟雙折
兄子五人謝巷叢柯過半傷子姪十三念爾傳家猶謹
已死其二人存者六
愿老余癡叔獨頽唐八旬慈母偏扶杖愁對西風淚幾

行

題唐人寫經卷子

唐人寫經紙墨綴石庵屬我以詩識我今聊以詩代偈
斫鼉斷壁文字碎中言九品成熟地意與首楞無異義
又言六通舉其二天眼天耳他心智其未說者如空際
反隅可得般若慧唐耶經耶奚取世質之居士是不是

種菊十首

種菊逾百本五色殊繽紛爛然庭晷間前後鋪茶雲我
圃足餐蔬花氣清更芬飯時酌樽酒與花襲觀聞何必
楚澤醒焉用陶令醺怡怡適我性兩忘戚與欣明春好
分疏滿院渙其羣來問嘉菊園遵彼芙蓉漬

黃華固正色間采亦陸離煌煌紫綉纓皎皎玉盤匝丹

萼更緋。鵝鷺交參差。時當霜降節，傲霜吐妍姿。把酒
淡相對，騁目濃競奇。遠山忽送翠，近水清繞漪。吾豈獨
樂哉，招友賞素卮。

我酒亦旨冽，我有乏肥甘。無以侑客豪，差可供清談。不
見散花女，維摩可同菴。不見相州圃，晚香淡不厭。肉食
對佳色，觀頤嗤靈弁。蕩蕩天景闊，濼濼花光酣。杯空尚
足樂，月出園東南。

今晨霜後雨，弱莖不自持。呼奴爲扶植，酣潤亦足奇。安
得及午晴，秋陽度夕曦。千朵共妍悅，揚詡苞體宜。還當
酌以酒，和氣灌四支。

有孫學吟詠亦有清越音不習捧顰醜自遇天籟深扶
蘇植數畹剪刻無容心得土遂生意亦不取折簪瓶盆
俱勿事橫縱隨構樛看花與言詩此意誰共尋

豈惟觀化理吾以喻吾道彼何雪而芽胡以榮而槁夜
露旣瀼瀼朝陽又杲杲每每懷其新爛熳實且藻種花
滿我園秋氣日鮮顯仙乎尚來游餐英可難老

郭橐駝種樹漢陰叟灌園彼皆知道者意得可忘言我
性非耽菊花時聊共論霜風豈不肅秋日豈不溫溫肅
各有宜疵癘亦不干害馬旣已去

左田之菊爲馬所啗故借用之羣蟻

尚慕羶我方肥我菊更泛綠乳尊

黃君樹十本趙公植四枝而我柴其中何以蕃夥爲少
者或自貴多者非夸毗不見衆香國鼻觀了不知草木
有臭味連林彙益奇悠然南山意亦足壯我籬

憶昔癸未秋種菊三山署花開摘畫錦傾城誰不顧是
月方遷除其年正強富榮榮花共笑嗒嗒神所煦飛光
四十年霜鬢窘趨步觀河性未皺看花美無度浩浩氤
氲流每生何所慕晚節詎用夸卽此貞吾素

明月皎如晝花影清參差人間有此景酣夢安得知起
酌一樽酒鬻麥充朝饑四體旣融釋雞鳴何孜孜忽憶
近郊外凍餒尚流離

九重布德政宣澤貴及時而然滋內愧誰歟爲龍夔

得三會孫香林 二十一日

阿三生菊月名汝曰香林聊識凌霜意應存碩果心
花方蔓圃丹井好穿深期我道成後畱芳或可尋

輓王露仲庶子

今春相見尚依遲憐我顛危不自持豈厭喧卑先羽化
驚聞風雨折瓊枝七旬已老誰長健六識難超且暫離
登岸生天憑慧業漫尋熟路感交歧

同生揆覽共韶春與子肩差僅四旬

君辛亥二月十四日生

我病

君來聽雨舊君歸我獨感秋新林泉勇退耽頤志陶白

音希況絕塵最是親交稱久約刀圭敢詡慙遺身

恭和

御製命部院臣工分賞五城順天府貧民棉衣詩誌予
意元韻

授衣宵旦爲咨民雪節先知用意淳豈獨鞠謀金粟賜
更看枕被曠暄親春回黍谷同鳴律復早葭灰仰
體仁從此破弓砧杵罷

舜廷袞繡叶韶鈞

恩賜黑狐端罩恭紀竝呈同

賜諸公

同拜

賜者大學士慶公桂董公誥司農成
司空彭公元瑞少司農戴公衢亨周公典

岱

大裘令節重元端服拜

恩綸燠且安排斗七星榮聽履齊台一色稱彈冠鉛華
迎日光如膏袞繡臨風氣辟寒交勗寅衷盟夙夜

翠雲喜送舞階干

恭和

御製軍營大局指日可定盼捷寸衷倍切偶成六韻示
內廷諸臣元韻

震伐三年克離嘉九上爻窮蹇難聚窟妖鳥久焚巢井
鬼星如滌蠶魚險已拋紅陽看掣驛黑管淨搜蛟子令

天心復雷行地脈交

聖謨成繼

志饒鼓聽謹嘏

柘林痘殤悼之

咄喏何因果娑婆暫一行
聲嘶呼老佛度汝夜燈明

病喏

頻呼
老佛

魏忠節公暨孝子學伊遺像冊

六芝光照天牢黃左周袁顧魏與楊東林高足魏最著
都給事起扶天綱當時客魏蠱少主曠蒙貫日淪孤
諸公血戰甘九死臣忠子孝行路傷東方暫晞首昭雪

倪公椽筆爲闡揚傳之奕葉寶珙璧遺像儼肅星寒芒
黃巾赤眉社遂屋誰爲戎首成膏肓太阿指揮一失當
前車後駕空仆僵摩挲此冊置三歎騎箕臨睨應涕洟
袁宏碧化杜鵑拜驂斬鷺鳳鳴歸昌

恭和

御製嘉平十日悅心殿視事後雪中觀冰嬉卽景用東
坡聚星堂詩韻元韻

鳥鳴空林走葍葉四遠山明圍夜雪黃旂早下太液池
快曳凌陰謹叫絕能者蹈冰堅欲開呂梁齊汨方圓折
三千爲練水犀軍鸞舞狐聽痕已滅勇夫翩鶴無不爲

直狎連鰲思手掣頰賞旌豪

惠已周挾纊何妨蜡燭灑晴曦午照更瞳矐沁入蝗根
如掃屑遠望鈴旗爍電明耳後風生眼過瞥西南滌蕩
堯無驚畿甸鬻醴戶可說獻羔祭非及春和服田好礪
耰鋤鐵

悼王氏婦

經兒三娶婦吾老三服期初徐真天媛暫來歸瓊扉再
婦我母族半載忽長辭汝本大家子娉婷知禮儀如何
臥三載沈痼不可治汝母旣遠別汝父慟心脾繡繡經
國老何以傷其慈根因善解脫歸路指勿歧

小除日

加年七十二流光去莫追自我顛蹶來一載強支離
濕浸肝鬲蔬筍胃不治昨餐試乾肉療疾非貪滋流離
尚載路何以援凍飢竊祿每自訟媿媿竟何裨上有
堯舜君誰爲臯稷夔撫序增感慨豈戀兒孫慈